


唐詩類苑



唐詩類苑第五十一卷

仁和卓明卿澂父編輯

華亭張之象玄超

長洲毛文蔚豹孫同校

人部

荅

陳子昂荅洛陽主人一首

平生白雲志早愛赤松遊事親恨未立從官此中州
主人亦何問旅客非悠悠方謁明天子清宴奉良籌
再取連城璧三陟平津侯不然拂衣去歸從海上鷗

寧隨當代子傾側且沉浮

李白荅高山人燕呈權顧二侯一首

虹霓掩天光哲后起康濟應連生夔龍開元掃氛翳
太微廓金鏡端拱清澗裔輕塵集嵩岳虛點聖明意
謬揮紫泥詔獻納青雲際讒惑英主心恩踈佞臣計
徬徨庭闕下歎息光陰逝未作仲宣詩先流賈生泪
挂帆秋江上不爲雲羅制山海向東傾百川無盡勢
我於鴟夷子相去千餘歲運濶英達稀同風遙執袂
登艫望逖水忽見滄浪樵高士何處來虛舟恥安繫
衣貌本淳古文章多佳麗延引故鄉人風義未淪替

顧侯達語默權子識通蔽曾是無心雲俱爲此留滯
雙萍易飄轉獨鶴思凌厲明晨去瀟湘共詢蒼梧帝

李白五月東魯行荅汶上翁一首

五月梅始黃蠶凋桑柘空魯人重織作機杼鳴篋櫛
顧余不及仕學劍來山東舉鞭訪前途護笑汶上翁
下愚忽壯士未足論窮通我以一箭書能取遼城功
終然不受賞羞與世人同西歸去道迫落日昏陰虹
此去爾勿言耳心如轉蓬

李白荅山中俗人一首

問余何事棲碧山笑而不合心自閑桃花流水窅然

去別有天地非人間

李頎荅高三十五留別便呈千十一一首

累薦賢良皆不就家近陳留訪耆舊韓康雖復在人
間王霸終思隱富貴清冷池水灌園蔬萬物滄江心
淡如要子歡同五株柳雲山老對一床書昨日公車
見三事明君賜衣遣爲吏懷章不似郡邸驚待詔初
從闕庭至散誕由來自不羈低頭授職爾何爲故園
壁掛烏紗帽官舍塵生白接羅寄書寂寂於陵子蓬
蒿沒身何不仕熬煮被褐環堵風歲晚將貽故人耻

李頎欲之新鄉荅崔灝綦毋潛一首

數年作吏家屢空雖道黑頭成老翁男兒在世無產
業行子出門如轉蓬吾屬交歡此何夕南家擣衣動
婦客銅鑪將炙相歡飲星宿縱橫露華白寒風卷葉
渡滹沱飛雪布地悲峨峨孤城日落見棲鳥馬上時
聞漁者歌明朝東路把君手臘日辭君期歲首自知
寂寞無去思敢望縣人致牛酒

杜甫荅鄭十七郎一首

雨後過畦潤花殘步履遲把文驚小陸好客見當時

王昌齡至南陵荅皇甫岳一首

與君同病復漂淪昨夜宣城別故人明主恩波非歲

久長江還共五溪濱

嚴武巴嶺荅任二見憶一首

卧向巴山月落時
兩鄉千里夢相思
可但步兵徧愛
酒也知光祿最能詩
江頭赤葉楓愁客
籬外黃花菊
對誰歧馬望君非
一度冷猿秋馬不勝悲

王維荅張五弟一首

終南有茅屋前對終南山
終年無客長閉關
終日無心長自閑
不妨飲酒復垂釣
君但能來相往還

王維同崔傳荅賢弟一首

洛陽才子姑蘇客
桂苑殊非故鄉陌
九江楓樹幾回

青一片揚州五湖白
揚州時有下江兵
蘭陵鎮前吹笛聲
夜火人歸富春郭
秋風鶴唳石頭城
周郎陸弟為儔侶
對舞前溪歌白紵
曲几書留小史家
草堂基賭山陰墅
衣冠若話外臺臣
先數夫君席上珍
更聞臺閣求三諳
遙想風流第一人

杜甫荅裴道州一首

久客多枉朋友書
素書一月凡一束
虛名但蒙寒暄問
泛愛不救溝壑辱
齒落未是無心人
舌存耻作窮途哭
道州手札適復至
紙長要自三過讀
盈把那須滄海珠
入懷本倚崑山玉
撥棄潭州百斛酒
蕪沒瀟

岸千株菊使我晝立煩兒孫令我夜坐費燈燭憶子
初尉永嘉去紅顏白面花映肉軍符侯印取豈進紫
燕綠耳行甚速聖朝尚飛戰聞塵濟世宜引英俊人
黎元愁痛會蘇息夷狄跋扈徒逡巡授鉞築壇聞意
旨頽綱涌網期彌綸郭欽上書見大計劉毅荅詔驚
群臣他日更僕語不淺明公論兵氣益振傾壺簫管
黑白髮舞劒霜雪吹青春宴筵曾語蘇季子後來傑
出雲孫比茅齊定王城郭門藥物短老漁商市市比
肩輿每聯袂郭南抱甕亦隱几無數將軍西第成早
作丞相東山起烏雀苦肥秋粟技蛟龍欲蟄寒沙水

天下鼓角何時休陣前部曲終日死附書與裴因示
蘇此生已愧須人扶致君堯舜付公等早據要路思
捐軀

杜甫荅楊梓州一首

悶到房公池水頭坐逢楊子鎮東州却向青溪不相
見回舡應載阿戎遊

李白江上荅崔宣城一首

太華三芙蓉明星玉女峯尋仙下西嶽陶令忽相逢
問我將何事湍波歷幾重貂裘非季子鶴氅似王恭
謬忝燕臺召而陪郭隗蹤水流知入海雲去或從龍

樹繞蘆洲月山鳴鵲鎮鍾還期如可訪台嶺蔭長松
張九齡答太常靳博士見贈一首

上苑春先入中園花盡開唯餘幽徑草向待日光催
王昌齡答武陵田太守一首

仗劍行千里微軀敢一言曾為大梁客不負信陵恩
賈至答嚴大夫一首

今夕秦天一鴈來梧桐葉墜擣衣摧思君獨步華庭
月舊館秋陰生綠苔

李白答湖州迦葉司馬問白是何人一首
青蓮居士謫僊人酒肆藏名三十春湖州司馬何須

問金粟如來是後身

杜甫答嚴公二首

兩映行宮辱贈詩元戎肯赴野人期江邊老病雖無力強擬晴天理釣絲

其二

昨日雨晴雲出溪白沙青石洗無泥只須伐竹開菴
徑拄杖穿花聽馬嘶

岑參敬酬杜華淇上見贈兼呈熊曜一首

杜侯實才子盛名不可及祇曾効一官今已年四十
是君同時者已有尚書郎憐君獨未遇淹泊在他邦

我從京師來到此喜相見共論窮途事不覺淚滿面
憶昨癸未歲吾兄自江東得君江湖詩骨氣凌謝公
熊牛尉淇上開館常待客喜我二人來歡笑朝復夕
縣樓壓春岸戴勝鳴花枝吾徒在舟中縱酒蕪彈棊
三月猶未還客愁滿春草賴蒙瑤華贈諷詠慰懷抱
高適酬衛八雪中見贈一首

季冬嶺淇上落日歸山樊舊宅帶流水平田臨古村
雪中望來信醉裏開衡門果得希代寶緘之那可論
王維酬慕容谷上一首

行行西陌返駐憶問車公挾轍雙官騎應門五尺童

老年如塞北強起離墻東爲報壺丘子來人道姓蒙

杜甫酬孟雲卿一首

樂極傷頭白更深愛燭紅相逢難袞交告別莫忽忽
但恐天河落寧辭酒盞空明朝牽世務揮淚各西東

高適酬龐十兵曹一首

憶昔遊京華自言生羽翼懷書訪知己末路空相識
許國不成名還家有慙色託身從畎畝浪跡初日得
雨澤感天時耕耘忘帝力同人洛陽至問我睢水北
遂爾款津涯淨然見腦臆高談懸物象逸韻投翰墨
別岸迥無垠海鶴鳴不息梁城多古意携手共悽惻

唐詩類苑 卷之五十一 人部 七 卷之五十一
懷賢想鄒枚登高思荆棘世情惡疵賤之子憐孤直
酬贈感并深離憂豈終極

高適淇上酬薛三椽兼寄郭少府一首

自從別京華我心乃蕭索十年守章句萬事空寥落
北上登薊門茫茫見沙漠倚劍對風塵慨然思衛霍
拂衣去燕趙驅馬悵不樂天長滄洲路日暮邛邛郭
酒肆或淹留漁潭屢棲泊獨行備艱險所見窮善惡
求願拯菟蕘孰云干鼎鑊臯情念淳古時俗何浮薄
理道資任賢安人在求瘼故交負靈奇逸氣抱蹇謬
隱軫經濟具縱橫建安作才望忽先鳴風期無宿諾

颺飄勞州縣迢遞限言謔東馳恥具丘西碩彌號畧
淇水徒自流浮雲不堪託吾謀適可用天路豈廖郭
不然買山田一身與耕鑿且欲同鷓鴣焉能志鴻鶴

高適酬李少府一首

出塞魂猶警懷質意難說誰知吾道間乃在客中別
日夕捧瓊瑤相思無休歇伊人雖薄宦舉代推高節
迷作凌江山聲華滿冰雪一登薊丘上四顧何慘烈
來鴈無盡時邊風正騷屑將從崖谷遁且與沉浮絕
君若登青雲吾當投魏闕

高適酬陸少府一首

朝臨淇水岸還望衛人邑別意在山阿征途背原隰
稍稍前村口唯見轉蓬入水渚人去遲霜天鴈飛急
固應不遠別所與路未及欲濟川上舟相思空佇立

王維酬張少府一首

晚年唯好靜萬事不關心自願無長策空知返舊林
松風吹解帶山月照彈琴君問窮通理漁歌入浦深

孟浩然重酬李少府見贈一首

養疾衡茅下由來浩氣真五行將禁火十步枉尋春
致敬惟桑梓邀歡卽主人還看後凋色青翠有松筠

盧照隣酬張少府東一首

昔余與夫子相遇漢川陰珠浦龍猶卧檀溪馬正沉
價重瑤山曲詞驚丹鳳杯十年睽賞慰萬里隔招尋
毫翰風期阻荆衡雲路深鵬飛俱望昔蠖屈共悲今
誰謂青衣道還嘆白頭吟地接神僊壩江連雲雨岑
飛泉如散玉落日似懸金重以瑤華贈空懷舞詠心

李白酬王補闕惠翼並廟宋丞泚贈別一首

學道三千春自言義和人軒蓋宛若夢雲松長相親
偶將二公合復與三山隣喜結海上契自爲天外賓
鸞翻我先鍛龍性君莫馴朴散不向古時訛皆失真
勿踏荒溪波竭耒浩然津薜帶何辭楚桃源堪避秦

世迫且離別心在期隱淪酬贈非炯誠末言銘珮紳

魏萬金陵酬李翰林謫僊子一首

君抱碧海珠我憶藍田玉各稱希代寶萬里遙相燭
長卿慕蘭久子猷意已深平生風雲人暗合江海心
去秋忽乘輿命駕未東土謫仙遊梁園愛子在鄒魯
二處一不見拂衣向江東五兩掛海月扁舟隨長風
南遊吳越徧高揖二千石雪上天台山春逢翰林伯
宣父敬項橐林宗重苗生一長復一少相看如弟兄
惕然意不盡更逐西南去同舟入秦淮建業龍盤處
楚歌對吳酒借問承恩初宮買長門賦天迎駟馬車

才高世難容道癢可推命安石重携妓千房空謝病
金陵百萬戶六代帝王都虎石據西江鍾山臨北湖
湖山信為美王戶人相待應為岐路多不知歲寒在
君遊早晚還勿久風塵問此別未遠別秋期到仙山

元結漫酬賈沔州一首

往年壯心在嘗欲濟時難奉詔舉州兵令得誅暴叛
上將屢顛覆偏師常救亂未曾弛戈甲終日領簿案
出入四五年憂勞忘昏旦無謀靜兇醜自覺愚且悞
豈欲皂櫪中爭食麩與蕘去年辭職事所惧貽憂患
天子許安親官又得閑散自家樊水上性情尤荒慢

唐詩類苑 卷之五十一 八部 十 崧齋閣本
雲山與水木似不憎吾漫以茲忘時世益無畏憚漫
醉人不嗔漫眠人不喚漫遊無遠近漫樂無早晏漫
漫中漫亦忘名利誰能筭聞君勸我意為君一長歎
人誰年八十我已過其半家中孤弱子長丁未及冠
且為兒童主種藥老溪澗

宋之問酬李丹徒見贈之作一首

鎮吳稱粵里試劇仰通才近挹人披霧遙聞境震雷
一朝逢解榻累日共啣杯連轡登山盡浮舟望海迴
以予慚拙宦期子遇良媒贈曲南鳧斷征途北鴈催
更憐江上月還入鏡中開

杜甫奉酬薛十二丈判官見贈一首

忽七峽中睡悲風方一醒西來有好鳥為我下青冥
羽毛淨白雪憐澹飛雲汀既蒙主人願舉翻喚孤亭
特以比佳士及此慰揚吟清文勅哀玉見道發新硯
欲學鴟夷子待勒燕山銘誰重斷蛇劍致君已未聽
志在麒麟閣無心雲母屏卓氏近新寡豪家朱門扃
相如才逸調銀漢會雙星客來洗粉黛日暮拾流螢
不是無膏火勸郎勤九經老夫自汲澗野水日泠泠
我歎黑頭白君看銀印青卧病識山鬼為農知地形
誰知坐錦帳苦厭食魚腥東南兩岸圻橫水注滄溟

碧色忽惆悵風雷搜百靈空中有白虎赤節引娉婷
自云帝里女嘒兩鳳凰翎襄王薄行跡莫學冷如丁
千秋一拭淚夢覺有微馨人生相感動金石兩青燐
丈人但安坐休辨渭與涇龍蛇尚格鬪洒血暗郊坰
吾聞聰明主治國用輕刑銷兵鑄農器今古歲方寧
文王日儉德俊又始盈庭榮華貴少壯豈食楚王萍

岑參敬醉李判官使院即事見呈一首

公府日無事吾徒只是閑草根侵柱礎苔色上門關
飲碗時見鳥捲簾晴對山新詩吟未足昨夜夢東還

李頎同張員外諷酬荅一首

洛中高士日沉冥手自灌園方帶經王湛床頭見周
易張康傳裏好丹青鶻冠葛屨無名位博奕賦詩聊
遣意清言只到衛家兒用筆能誇鍾太尉東籬二月
種蘭蓀窮巷人稀鳥雀喧聞道郎官間生事肯令鬢
髮老柴門

岑參虢州酬辛侍御見贈一首

門柳葉已大春花復今闌鬢毛方二色愁緒日千端
夫子屢新命鄙夫仍舊官相思難見面時展尺書看

杜甫酬寇十侍御錫見寄一首

往別郇瑕地于今四十年素簪御府筆故泊洞庭船

詩憶傷心處春深把臂前南瞻按百越黃帽待君偏

張九齡酬宋使君見貽一首

陟鄰初稟訓獻策幸逢時朝列且云忝恩君復若茲
庭闈際海曲輶傳荷天慈碩已歡烏鳥聞君泣素絲
才明應主召福善豈神欺但願白心在終然涅不淄

高適訓司空璣一首

颺颺未得意感激與誰論昨日遇夫子乃欣吾道存
江山滿詞賦扎翰起涼溫吾見風雅作人知德業尊
驚飈蕩萬木秋氣屯高原燕趙何蒼茫鴻鴈未翩翩
此時與君別握手歎言無

祖咏訓汴州李別駕見贈一首

秋風多客思行旅厭艱辛自洛非才子遊梁得主人
文章參末議榮賤豈同倫歎逝逢三演懷賢憶四真
情因思舊好契託死生親所媿能投贈清言益潤身

高適奉和儲光羲一首

天靜終南高俯映江水明有若蓬萊下淺深見澄瀛
群峯懸中流石壁如瑤瓊魚龍隱蒼翠鳥獸游清泠
菰蒲林下秋薜荔波中輕山萋浴蘭沚水若居雲屏
嵐氣浮潛宮孤光隨曜靈陰七豫章館宛七白花亭
大君及群臣燕樂方嚶鳴吾黨二三子茲辰怡性情

逍遙滄洲時乃在長安城

孟浩然和盧明府一首

昔時風景登臨地今日衣冠送別筵
醉坐自傾彭澤酒思歸長望白雲天
洞庭一時驚秋早濩落空嗟滯
江島寄語朝庭當世人何時重見長安道

駱賓王和李明府一首

傳聞葉縣復飛向洛陽城
馳道臨層掖津門對小平
霞殘凝製錦雲度似飄縷
藻揆潘江澈塵虛范甑清
詎憐衝斗氣猶向匣中鳴

楊炯和劉長史荅十九兄一首

帝堯平百姓高祖宅三秦
子弟分河嶽衣冠勸縉紳
盛名恒不隕歷代幾相因
街巷塗山曲門閭洛水濱
五龍金作友一子玉為人
寶劍豐城氣明珠魏國珍
風飄自落七文質且彬彬
共許刁元亮同推周伯仁
石城俯天闕鍾阜對江津
驥足方遐騁狼心獨未馴
鼓鼙鳴九域風火集重圍
城勢餘三板兵威乏四鄰
居然混玉石直置保松筠
耿介酬天子危言數賊臣
鍾儀琴未奏蘇武節猶新
受祿寧辭死揚名不顧身
精誠動天地忠義感明神
恠鳥俄垂翼脩蛇竟暴鱗
耒朝拜休命述職下梁岷
善政馳金馬嘉聲繞玉綸

唐詩類苑 卷之五十一 人部 十一

三荆忽有贈四海更相親宮徵諧鳴石光輝掩燭輪
山川遙滿目零落坐沾巾友愛光天下恩波浹後塵
儒夫仰高節下里繼陽春

儲光羲和蕭兵曹一首

公府傳休沐私庭效陸沉方知從大隱非復在幽林
闕下忠真志人間孝友心既將冠蓋雅仍與薜蘿深
寒變中園柳春歸上苑禽池涵青草色山帶白雲陰
潘岳閑居賦鍾期流水琴一經當自足何用遺黃金

唐詩類苑第五十一卷之終

唐詩類苑第五十二卷

仁和卓明卿澂父編輯

華亭張之象玄超

長洲毛文蔚豹孫同校

人部

贈答

崔宗之贈李十二一首

涼風八九月白露空園亭耿耿意不暢稍稍風葉聲
思見雄俊士共談今古情李侯忽來儀把袂苦不早
清論既抵掌玄談又絕倒分明楚漢事歷歷王霸道

書詩類苑 卷之五十一 人部
一
擔囊無俗物訪古千里餘袖有七首劍懷中茂陵書
雙眸光照人詞賦凌子虛酌酒絃素琴霜風正凝潔
平生心中事今日爲君說我家有別業寄在嵩之陽
明月出高岑清溪貞素光雲散窓戶靜風吹松桂香
子若同斯遊千載不相忘

李白酬崔五郎中一首

朔雲橫高天萬里起秋色壯士心飛揚落日空歎息
長嘯出原野凜然寒風生幸遭聖明時功業猶未成
柰何懷良圖鬱悒獨愁坐杖策尋英豪立談乃知我
崔公生人秀緬覲青雲姿制作參造化託諷含神祇

海嶽尚可傾吐諾終不移是時霜颯寒逸興臨華池
起舞拂長劍四座皆揚眉因得窮歡情贈我以新詩
又結汗漫期九垓還相待舉身熱蓬壺濯足弄滄海
從此凌倒景一去無時還朝遊明光宮暮入閭闔關
但得長把袂何必嵩丘山

王維春夜竹亭贈錢少府歸藍田一首

夜靜羣動息時聞隔林犬卻憶山中時人家澗西遠
羨君明發去采薇輕軒冕

錢起酬王右丞見贈一首

山月隨客來主人興不淺今宵竹林下誰覺花源遠

唐詩苑 卷之五十二 人部 二 崧齋周本

惆悵曙鶯啼孤雲還絕巘

鄒象先寄蕭穎士一首

六月度關雲三峯翫山翠爾時黃綬屈別後青雲致

蕭穎士荅象先一首

桂枝嘗共擢茅茨冀同薦一命何阻脩載馳各州縣

壯圖悲歲月明伐耻貧賤回首無津梁祗令二毛變

李白酬崔侍御一首

我是瀟湘放逐臣君辭明主漢江濱天外常求太白

老金陵捉得酒僊人

李白酬崔侍御一首

巖陵不從萬乘遊歸卧空山釣碧流自是客星辭帝

座元非太白醉楊州

辨才設缸面酒款蕭翼一首

初醞一缸開新知萬里來披雲同落莫步月共徘徊

夜叉孤琴思風長旅鴈哀非君有秘術誰照不燃灰

蕭翼荅辨才一首

邂逅欵良宵殷勤荷勝招彌天俄若舊初地豈成遙

臘蟻傾還汎心猿躁似調誰憐失羣翼長苦葉風飄

高適贈杜三拾遺一首

傳道招提客詩書自討論佛香時入院僧飯屢過門

唐詩苑 卷之五十二 人部 三 崧齋周本

唐詩類苑 卷之五十一 八部
聽法還應難尋經剩欲翻草玄今已畢此外復何言
杜甫酬高使君相贈一首

古寺僧牢落空房客寓居故人供祿米隣舍與園蔬
雙樹容聽法三車肯載書草玄吾豈敢賦或似相如

常迨早發湘潭寄杜員外院長一首

北風昨夜雨江上早來涼楚岫千峯翠湘潭一葉黃
故人湖外客白首尚爲郎相憶無南鴈何時有報章

杜甫酬常韶州見寄一首

養拙江湖外朝廷記憶踈深慙長者轍重得故人書
白髮絲難理新詩錦不如雖無南過鴈看取北來魚

郭受寄杜員外一首

新詩海內流傳久舊德朝中屬望勞郡邑地卑饒霧
雨江湖天濶足風濤松花酒熟傍看醉蓮葉舟輕自
學操春興不知凡幾首衡陽紙價頓能高

杜甫酬郭十五判官受一首

才微歲晚尚虛名卧病江湖春復生藥裹關心詩總
廢花枝照眼句還成只同燕石能星隕自得隋珠照
眼明橋口橘洲風浪促繫帆何惜片特程

張說贈趙公一首

湘東股肱守心與帝鄉期舟楫中途寒風波復來思

唐詩類苑 卷之四十二 人部 四 崑崙山

嘉我常聯翼金貂侍玉墀跡參前馬聖名綴鬻熊師
寒暑一何速山川遠間之寧知洞庭上獨得平生時
精意微絕簡從權討妙基林壑為予請紛靄發華滋
流賞忽已散驚帆忽難追送石在南浦佗際投此詞

趙冬曦奉荅燕公二首

誰道零陵守東過此地遊友寮回省閣昆弟接荊州
我逐江潭鴈君隨海上鷗屢傷神氣阻久別鬢毛秋
疑嶺春蕉遍陽臺雨欲收主人情未盡高駕少淹留

又

語別意悽悽零陵湘水西佳人金谷返愛子洞庭迷

舊館逢花發池山值鳥啼江天千里望誰見綠蘋齊

張說伯奴邊見歸田賦因投趙侍御一首

爾家嘆窮鳥吾俗賦歸田莫道榮枯異同嗟世網牽
黃陵浮汨渚青草會湘川去國逾三歲茲山老二年
寒鷄鳴舍下昏虎卧籬前客淚堪班竹籬憂欲贈筌
放言久無次觸興感成篇

趙冬曦奉酬張燕公見歸田賦垂贈一首

窮鳥嬰籠綴孤飛在播遷鷄王佐用復此挫冲天
楚雲何撩鬱湘水亦迴迴懷哉愧木鴈忽爾枉蘭荃
念疾同枚叔銷憂比仲宣歸途書可畏弱操石猶堅

唐詩類苑 卷之四十二 人部 五 崑崙山

唐詩類苑 卷之十一 八部
覆載雜云廣谷陽直垠然

宋鼎贈張丞相一首

漢上登飛憶荆南歷舊居已嘗臨砌橘更覩躍池魚
盛德繼微眇深衷能卷舒義深蓬閣際情坦廟堂初
郡挹文章美人懷燮理餘皇恩倘昭亮豈厭承明廬
張九齡酬宋使君一首

時來不自意宿昔謬樞衡翊聖負明主妨賢媿友生
罷歸猶右職待罪向南荆政有留裳舊風因繼組成
高軒問疾苦丞庶荷仁明棄廢時所薄祇言僚故情

代書

張說代書答姜七崔九一首

婀娜金闌樹離披野田草雖殊兩地榮幸共三春好
花殊鳥飛處葉鏤蟲行道真心獨感人惆悵令人老

張說代書寄吉十一一首

一鴈雲上飛值我衡陽道口啣離別字遠寄留歸草
目想春來遲心驚寒去早憶鄉乘羽翮慕侶盈懷抱
零淚答故人將隨江樹老

張說代書寄薛四一首

孤鴈東飛來寄我紋與素紋足經三象素當綜羣務
遠見古人心一言重千金答之絲毛翰繼以瑤華音

唐詩卷之五十一 八部 六
歲寒衆木改松栢心常在

李白以詩代書荅元丹丘一首

青鳥海上來今朝發何處口銜雲錦字與我忽飛去
鳥去多紫烟書番綺窓前開緘方一笑乃是故人傳
故人深相勗憶我勞心曲離居在咸陽三見秦草綠
直書雙袂間引領不甞閒長望杳難見浮雲橫遠山

高適酬裴員外以詩代書一首

少時方浩蕩遇物猶塵埃脫畧身外事交遊天下才
單車入燕趙獨立心悠哉寧知戎馬間忽轉平生懷
且欣清論高豈願夕陽頽題詩碣石館縱酒燕王臺

北望沙漠垂漫天雪皚皚臨邊無策畧覽古空徘徊
樂毅吾所憐拔齊翻見猜荆卿吾所悲適秦不復迴
然諾多死地公忠成禍胎與君從此辭每恐流年催
如何俱老大始復忘形骸兄弟真二陸聲華連八裴
乙未將星變賊臣候天災胡騎犯龍山乘輿經馬嵬
千官無倚着百姓徒悲哀誅呂鬼神動安劉天地開
奔波走風塵倏忽值雲雷推旄出淮甸入幕徵楚材
誓當剪鯨鯢未以竭駑駘小人胡不仁讒我成死灰
賴得日月明照曜無不該留司洛陽宮詹府惟蒿萊
是時掃氛祲尚未殲渠魁背河列長圍師老將亦乖

歸軍劇風火散卒爭堆埋一夕灑洛空生靈悲曝鯁
 衣冠投草莽予欲馳江淮登頓宛葉下栖遑襄鄧隈
 城池何蕭條邑屋更崩摧縱橫荆棘叢但見瓦礫堆
 行人無血色戰骨多青苔遂除彭門守因得朝玉階
 激昂仰鴛鷺猷替欣塩梅驅傳及遠蕃憂思鬱難排
 罷人分爭訟賦稅如山崖所思在幾句曾是魯宓儕
 自從拜郎官列宿煥天街那能訪遐僻還復寄瓊瓌
 金玉本高價頃篋終易諧朗詠臨清秋涼風下庭槐
 何意寇盜間獨稱名義偕辛酸陳侯誅嘆息季鷹杯
 白日屢分手青春不再來卧看巾散論愁憶太常齋

酬贈徒為尔長歌還自吟

杜甫得廣州張判官叔卿書以還以詩代意

一首

鄉閩胡騎遠宇宙蜀城偏忽得炎州信遙從月峽傳
 雲深驃騎暮夜隔孝旗船却寄雙愁眼相思淚點懸

張九齡南還以詩代書贈京師舊寮一首

薄宦長昏闕遵尊義取斯窮愁年貌改寂歷爾胡為
 不諳詞多忤無容禮益卑微生尚何有遠跡固其宜
 思擾梁山曲情遙越鳥枝故園從海上良友觀天涯
 雲雨歎一別川源勞載馳止慙伯樂願中負叔牙知

去國誠寥落經途弊險巖歲逢霜雪苦林屬蕙蘭萎
歆贈幽芳歇行悲舊賞移一從閑作限兩見月成規
萋萋窮年齋行行盡路岐征鞍稅北渚歸帆指南垂
樹晚猶葱蒨江寒尚渺瀰士風從楚別山水入湘奇
石瀨相奔觸煙林史蔽虧曾崖夾洞浦輕舸泛澄漪
松篠行皆傍禽魚動輒隨惜哉邊地隔不與故人窺
疇昔陪鴛鴦朝陽振羽儀來音雖寂寞接景每逶迤
朝罷冥塵事賓來話酒卮邀歡逐芳草結興選華池
及此風成歎何時霧可披自憐無用者誰念有情離
望美音容潤懷賢夢想疲因聲達霄漢持拙守東陂

問訊

元結漫問相里黃州一首

東隣有漁父西鄰有山僧各問其情性變之俱不能
公爲二千石我爲山海客志業豈不同今已殊名迹
相里不相類相友且相異何況天下人而欲同其意
人意苟不同分寸不相容漫問軒裳客何如耕釣翁
李白送蕭三十一之魯中兼問稚子伯禽一

首

六月南風吹白沙吳牛喘月氣成霞水國鬱蒸不可
處時炎道遠無行車夫子如何涉江路雲帆嫋嫋金

陵去高堂倚門望伯魚魯中正是趨庭處我家寄在沙丘傍三年不歸空斷腸君行既識伯禽子應駕小車騎白羊

杜甫送四田弟將軍將夔州柏中丞命起居

江陵節度陽城郡土衛公墓一首

離筵罷多酒起地發寒塘田首中丞座馳箋異姓王燕辭楓樹日鴈度麥城霜空醉山翁酒遙憐似葛強

杜甫奉送蜀州柏二別駕將中丞命赴江陵

從起居衛尚書太夫人因示從弟行軍司馬

位一首

中丞問俗盡熊羆愛弟傳書彩鷓鴣新遷轉五州防禦使起居八座太夫人楚宮鴈送荆門水白帝雲偷碧海春與報惠連詩不惜知吾斑鬢總如銀

獻詩

王維獻始興公一首

寧棲野樹林寧飲澗水流不用坐梁肉崎嶇見王侯鄙哉匹夫節布褐將白頭任智誠則短守仁固其優側聞大君子安問黨與離所不賣公噐動為蒼生謀賤子跪自陳可為帳下不感謝有公議曲私非所求

李白上李邕一首

唐詩卷之五十一 八部 十 卷之五十一 八部
大鵬一日同風起扶搖直上九萬里假令風歇時下
來猶能簸却滄溟水世人見我恒殊調聞余大言皆
冷笑宣父猶能畏後生丈夫未可輕年少

李白述德兼陳情上哥舒大夫一首

天為國家孕英才森森矛戟擁靈臺浩蕩深謀噴江
海縱橫逸氣走風雷丈夫立身有如此一呼三軍皆
披靡衛青謾作大將軍白起真成一豎子

杜甫投贈哥舒開府一首

今代麒麟閣何人第一功君王自神武駕馭必英雄
開府當朝傑論兵邁古風先鋒百戰在畧地兩隅空

青海無傳箭天山早掛弓廉頗仍走敵魏絳已和我
每惜河湟棄新兼節制通智謀再睿想出入冠諸公
日月低秦樹乾坤繞漢宮胡人愁逐北宛馬又從東
受命邊沙遠歸來御席同軒墀曾寵鶴畋獵舊飛熊
茅土加名數山河誓始終策行遺戰伐契合動昭融
勲業青冥上交親氣槩中未為珠復客已見白頭翁
壯節初題往生涯獨轉蓬幾年春草歇今日暮途窮
軍事留孫楚行間識呂蒙防身一長劍將欲倚崆峒

王維上張令公一首

珥筆移丹陛垂璫上玉除步簷青瑣闥方憶畫輪車

市闕千金字朝開五色書致君光帝典薦士滿公車
伏奏迴金駕橫經重石渠從茲罷角抵且復幸儲胥
天統知堯後王章笑魯初匈奴遙俯伏漢相儼簪裾
賈生非不遇汲黯自堪踈學易思求我言詩或起予
嘗從大夫後何惜隸人餘

杜甫遣悶奉呈嚴公一首

白水漁竿客清秋鶴髮翁胡為來幕下祇合在舟中
黃卷真如律青袍也自公老妻憂坐痺幼女問頭風
平地專歌倒分曹失異同禮甘衰力就義忝上官通
疇昔論詩早光輝仗鉞雄寬容存性拙剪拂念途窮

露裛思藤架煙霏想桂叢信然龜觸網直作鳥窺籠
西嶺紆村比江南繞舍東竹皮寒舊翠椒實雨新紅
浪簸舡應拆杯乾甕即空藩籬生野徑斤斧任樵童
束縛酬知己蹉跎效小忠周防期稍稍太簡遂匆七
曉入朱扉啓昏歸盡角終不成尋別業未敢息微躬
烏鵲愁銀漢鴛鴦怕錦幪會希全物色時放倚梧桐
示喻

孟浩然示孟郊一首

蔓草蔽極野蘭芝結孤根衆音何其繁伯牙獨不宣
當時高深意舉世無能分鍾期一見知山水千秋聞

唐詩卷之五十一 八部 十一 宋齊周本
尔其保静節薄俗徒云云

元結賊退示官吏一首

昔歲逢太平山林二十年泉源在庭戶洞壑當門前
井稅有常期日晏猶得眠忽然遭世變數歲親戎旃
今來典斯郡山夷又紛然城小賊不屠人貧傷可憐
是以陷憐境此州獨見全使臣將王命豈不如賊焉
今被徵歛者迫之如火煎誰能絕人命以作時世賢
思欲委符節引竿自刺船將家就魚麥歸老江海邊

元結遊惠泉示上學者一首

顧吾漫浪久不欲有所拘每到惠泉上情性可安舒

草堂在山曲澄瀾涵階除松竹陰成徑清源湧坐隅
築塘列圃畦引流灌時蔬復在郊郭外正堪靜者居
愜心則自適喜尚人或殊此中若可安不佩銅虎符

元結遊右溪示學者一首

小溪在城下形勝堪賞愛尤宜春水瀟水石更殊恠
長山勢回合井邑相縈帶石林繞舜祠西南正相對
階庭無爭訟郊境罷守衛時上溪上來勸引辭學輩
今誰不務武儒雅道將廢豈亡二三子旦夕相勉勵

元結喻常吾直一首

山澤多饑人間里多壞屋戰爭且未息徵歛何時足

唐詩類友 卷之五十二 人部 十三
不能救人患不合食天粟何況假一官而苟求其祿
近年更長吏數月未為速來者罷而官豈得不為辱
歡為辭府主從我遊退谷谷中有寒泉為尔洗塵服
元結喻舊部曲一首
漫遊樊水陰忽見舊部曲尚言軍中好猶望有所屬
故令爭者心至死終不足與之一盃酒喻使燒戎服
兵興向十年所見堪嘆哭相逢是遺人當合識榮辱
勸汝學全生隨我畚畚谷

言語

顏真卿大言聯句一首

高歌闖風步瀛洲晝燁鵬瀚鯤食未休顧四方上下
無外頭粵一啜頓涸滄溟流薦

顏真卿小言聯句一首

長路遙遙吞吐絲顧燠蚊蚊蠅察難知晝

顏真卿樂語聯句一首

苦河既濟真僧喜粵新知蒲座笑相視真卿戍客歸
來見妻子晝學生放假偷向市薦

顏真卿曉語聯句一首

拈髓舐指不知休粵歆炙侍立涎交流顧過屠大嚼
肯知羞晝食店門外強淹留薦

顏真卿滑語聯句一首

雨裏下山踏榆皮真卿莓苔石橋步難移晝蕪荑醬

醋喫煮葵白縫靴臘線油塗錐嵩急逢龍背須且騎

李益

顏真卿醉語聯句一首

逢糟遇麴便酩酊晝覆車墜馬皆不醒真卿倒著接羅

髮垂領晝狂心亂語無人並羽

嘲戲

李白嘲魯儒一首

魯叟談五經白髮死章句問以經濟策茫如墜烟霧

足著遠遊屐首戴方山巾緩步從直道未行先啓塵

秦家丞相府不重褒衣人君非叔孫通與我本殊倫

時事且未達歸耕汶水濱

李白嘲王歷陽不肯飲酒一首

地白風色寒雪片大如手笑殺陶淵明不飲杯中酒

浪撫一張琴虛栽五株柳空負頭上巾吾與爾何有

王維劇嘲史寰一首

清風細雨濕梅花驟雨先過碧玉家正值楚王宮裏

至門前初下七香車

杜甫戲贈二友二首

唐詩類苑 卷之五十一 八部 一四 雜齋周本

唐詩卷之五十一
元年建巳月郎有焦校書自誇足膂力能騎生馬駒
一朝被馬踏唇裂板齒無壯心不肖已欲得東擒胡

又

元年建巳月官有王司直馬驚折左臂骨折面如墨
駑駘漫染泥何不避雨色勸君休歎恨未必不為福

李白戲贈鄭漂陽一首

陶令日日醉不知五柳春素琴本無絃漉酒用葛巾
清風北窓下自謂羲皇人何時到栗里一見平生親

元結與党侍御一首

衆坐吾獨歡或問歡為誰高人党茂宗復來官憲司

昔吾順元和與世行自遺茂宗正作吏日有趨走疲
及吾汗冠冕茂宗方矯時謂吾順讓者乃是干進資
今將問茂宗茂宗欲何辭若云吾無心此來復何為
若云吾有羞於此還見嗤誰言萬類心閑之不可窺
吾欲喻茂宗茂宗宜聽之長轅有脩轍馭者令尔馳
山谷安可怨筋力當自悲嗟七党茂宗可為識者規
李白醉後荅丁十八以詩譏余搥碎黃鶴樓

一首

黃鶴高樓已搥碎黃鶴僊人無所依黃鶴上天訴上
帝却放黃鶴東南歸神明大守再雕飾新圖粉壁還

唐詩類苑 卷之五十二 人部 十六

芳非一州笑我為狂客少年徃徃來相譏君平簾下
誰家子云是遼東丁令威作詩調我驚逸興白雲繞
筆牕前飛待取明朝酒醒能與君爛熳尋春輝

杜甫春日戲題郝使君兄一首

使君意氣凌青霄憶昨歡娛常見招細馬時鳴金騶
裊佳人屢出董嬌婦東流江水西飛燕可惜春光不
相見願携王趙兩紅顏南騁肌膚如素練通泉百里
近梓州請公一來開我愁舞處重看花蒲面尊前還
有錦纏頭

唐詩類苑第五十二卷終

唐詩類苑第五十二卷

仁和卓明卿澂父編輯

華亭張之象玄超

長洲毛文蔚豹孫同校

人部

送

沈佺期送友人任括州一首

青春浩無際白日乃遲上胡為賞心客歎遇此芳時
甌粵迫茲守京闕從此辭茫上理雲帆草上念行期
紛吾結遠佩帳餞出河湄太息東流水盈觴難再持

唐詩類苑 卷之五十二 人部 一

崔翹送友人使夷陵一首

猿鳴三峽裏行客舊沾裳復道從茲去思君不暫忘
開襟春葉短分手夏條長獨有幽庭桂年七空自芳
陳子昂送客一首

故人洞庭去楊柳春風生相送河洲晚蒼茫別思盈
白蘋已堪把綠芷復含榮江南多桂樹歸客贈生平

李白南陽送客一首

斗酒勿爲薄寸心貴不忘坐惜故人去偏令遊子傷
離顏怨芳草春思結垂楊揮手再三別臨岐空斷腸

杜甫泛江送客一首

二月頻送客東津江欲平煙花山際重舟楫浪前輕
淚逐勸杯落愁連吹笛生離筵不隔日那得易爲情

沈佺期餞遠一首

任子狗遯祿結友開舊襟撰酌輟行歎指途勤遠心
秋晶澄廻壑霽色肅明林緩然清軒暮浩思非所任

杜甫送遠一首

帶甲滿天地胡爲君遠行親朋盡一哭鞍馬去孤城
草木歲月晚關河霜雪清別離已昨日因見故人情

李頎送劉四一首

愛君少岐嶷高視白雲鄉九歲能屬文謁帝遊明光

奉詔赤墀下拜爲童子卽爾來屢遷易二度尉洛陽
洛陽十二門官寺鬱相望青槐羅四面綠水貫中央
聽訟破秋毫應物利干將辭滿如脫屣立言無否臧
歲暮風雪暗秦中川路長行人飲醵酒立馬帶晨霜
生事豈須問故園寒草荒從今署右職莫笑在農桑
高適送蕭十八一首

常苦古人遠今見斯人古澹泊遣聲華周旋必鄒魯
故交在梁宋遊方出庭戶匹馬鳴朔風一身濟河滸
辛勤採蘭味欵曲翰林主歲月催別離庭闈遠風土
寥七寒煙靜莽七夕雲苦明發不在茲青天眇難覩

王維送祖三一首

相逢方一笑相送還成泣祖帳已傷離荒城復愁入
天寒遠山靜日暮長河急解纜君已遙望君猶佇立

李頎送劉十一首

三十不官亦不娶時人焉識道高下房中唯有老氏
經櫪下空餘少游馬往來嵩華與函秦放歌一曲前
山春西林獨鶴引閒步南澗飛水清角巾前年上書
不得意歸卧東窓兀然醉諸兄相繼掌青史第五之
名齊驃騎烹葵摘果告我行落日夏雲縱復橫聞道
謝安掩口咲知君不免爲蒼生

王昌齡送胡大一首

荆門不堪別况乃瀟湘秋何處遙望君江邊明月樓

王昌齡送李十五一首

怨別秦楚深江中秋雲起天長杳無隔月影在寒水

王昌齡送張四一首

楓林已愁薰楚水復堪悲別後冷山月清猿無斷時

王昌齡送李五一首

玉盃金壘傾送君江西日入起黃雲扁舟乘月暫來
去誰道滄浪吳楚分

王昌齡送魏二二首

醉別江樓橘柚香江風引雨入舡涼憶君遙在瀟湘
月愁聽清援夢裡長

王昌齡送竇七一首

清江月色傍林秋波上熒七望一舟鄂渚輕帆須早
發江邊明月爲君留

王昌齡送程六一首

冬夜傷離在五溪青魚雪落鱸橙壅武岡前路看斜
月片七舟中雲向西

常建送宇文六一首

花映垂楊漢水清微風林裡一枝輕卽今江北還如

唐詩類苑 卷之五十三 離別
此愁殺江南離別情

駱賓王餞駱四得鍾字一首

平生何以樂斗酒夜相逢曲中驚別緒醉裡失愁容
星月懸秋漢風香入曙鍾明月臨溝水青山幾萬重

高適送韓九一首

惆悵別離日徘徊岐路前歸人望獨對匹馬隨秋蟬
常與天下士許君兄弟賢良時正可川行矣莫徒然

高適送魏八一首

更沽淇上酒還泛駟前舟爲惜故人去復憐嘶馬愁
雲山行處合風雨興中秋北路無知己明珠莫暗投

王維送孫二一首

郊外誰相送夫君道術親書生鄒魯客才子洛陽人
祖席依寒草行車起暮塵山川何寂寞長望泪沾巾

王維送權二一首

高人不可友清論復何深一見如舊識一言知道心
明時當薄宦解薛去中林芳草空隱處白雲餘故岑
韓侯又携手河嶽共幽尋悵別千餘里臨堂鳴素琴

王昌齡巴陵送十二一首

搖曳巴陵洲渚分清江傳語使風聞山長不見秋城
色日暮兼葭空水雲

唐詩卷之五十一 人部
陳子昂春晦餞陶七於江南同用風字一首
黃鶴煙雲去青江琴酒同離帆方楚越溝水復西東
芙蓉生夏浦楊柳送春風明月相思處應對菊花叢

劉倚莊揚州送人一首

桂楫木蘭舟楓江似箭流故人從此去遠望不勝愁
落日低帆影歸風引棹謳思君折楊柳泪盡武陽樓
高適河西送李十七一首

邊城多遠別此去莫徒然問禮知才子登科及少年
出門看落日驅馬向秋天高價人爭重行當早著鞭
孟浩然送朱大人秦一首

遊人五陵去寶劍值千金分手脫相贈平生一片心

王昌齡送譚八之桂林一首

客心仍在楚江館復臨湘別意猿鳥外天寒桂水長

王昌齡送劉十五之郡一首

平明江霧寒客馬江上發扁舟事洛陽宵七含楚月

王昌齡送薛大赴安陸一首

津頭雲雨暗湘山遷客離憂楚地顏遙送扁舟安陸
郡天邊何處穆陵關

王維送元二使安西一首

渭城朝雨浥輕塵客舍青青柳色新勸君更盡一杯

唐詩卷之五十一 人部
三
陳子昂春晦餞陶七於江南同用風字一首
黃鶴煙雲去青江琴酒同離帆方楚越溝水復西東
芙蓉生夏浦楊柳送春風明月相思處應對菊花叢

劉倚莊楊州送人一首

桂楫木蘭舟楓江似箭流故人從此去遠望不勝愁
落日低帆影歸風引棹謳思君折楊柳淚盡武陽樓
高適河西送李十七一首

邊城多遠別此去莫徒然問禮知才子登科及少年
出門看落日驅馬向秋天高價人爭重行當早著鞭
孟浩然送朱大人入秦一首

遊人五陵去寶劍值千金分手脫相贈平生一片心

王昌齡送譚八之桂林一首

客心仍在楚江館復臨湘別意猿鳥外天寒桂水長

王昌齡送劉十五之郡一首

平明江霧寒客馬江上發扁舟事洛陽宵七含楚月

王昌齡送薛大赴安陸一首

津頭雲雨暗湘山遷客離憂楚地顏遙送扁舟安陸
郡天邊何處穆陵關

王維送元二使安西一首

渭城朝雨浥輕塵客舍青青柳色新勸君更盡一杯

唐詩卷之五十一
酒西出陽關無故人

孟浩然送杜十四之江南一首

荆吳相接水爲鄉君去春江正淼茫
日暮征帆何處泊天涯一望斷人腸

駱賓王秋夜送閻五還潤州一首

通莊抵舊里溝水泣新知斷雲飄易滯
連露積難披素風翻迥蝶警日緯踈
枝無力勵短翰輕舉送長離

陳子昂送殷大入蜀一首

蜀山金碧地此地饒英靈送君一爲別
悽斷故鄉情片雲生極浦斜日隱離亭
坐看征騎沒唯見遠山青

杜甫送裴五赴東川一首

故人亦流落高義重乾坤何日通燕塞
相看老蜀門東行應暫別北望若銷魂
凜凜悲秋意非君誰與論

杜甫送元二適江左一首

亂後今相見秋深復遠行風塵爲客日
江海送君情晉室丹陽尹公孫白帝城
經過自愛惜取次莫論兵

李季蘭送閻二十六赴剡縣一首

流水閭門外孤舟日復西離情偏芳草
無處不淒淒妾夢經吳苑君行到剡溪
歸來重相訪莫學阮郎迷

駱賓王送吳七遊蜀一首

日觀分齊壤星橋抵蜀門
桃花嘶別路竹葉瀉離樽
夏晝蘭猶茂秋深柳尚繁
露銷山望迥風高野聽喧
勞歌徒欲奏贈別竟無言
惟有當秋月空照野人園

高適秦中送李九赴越一首

携手望千里于今將十年
如何每離別心事復迢迢
適越雖有以出關終眇然
愁臨不可向長路或難前
吳會獨行客山陰秋夜船
謝家徵故事禹穴訪遺編
鏡水君所憶尊羹予舊便
歸來莫忘此兼示濟江扁

宋之問送趙六真固一首

目斷南浦雲心醉東郊柳
怨別此何時青芳未已久

與君共時物盡此盈樽酒
始願今不從春風恣携手

駱賓王送宋五之問得涼字一首

願言遊泗水支離去二漳
道術君所篤筌蹄余目忘
雪威停竹冷秋爽帶池涼
欲念離襟切岐路在他鄉

駱賓王在兗州餞宋五之問一首

淮尼泗水地梁甫汶陽東
別路青驪遠離樽綠蟻空
柳寒凋密翠棠晚落踈紅
別後相思曲悽斷入琴風

杜甫長沙送李十一衡一首

與子避地西康州洞庭相逢十二秋
遠愧上方曾賜履境非吾土倦登樓
又存膠漆應難並一辱泥途遂

唐詩卷之五十一 二十八首
晚收李杜齊名具忝竊朔雲寒菊倍離憂

王維送崔九興宗遊蜀一首

送君從此去轉覺故人稀
徒御猶回首田園方掩扉
出門當旅食中路授寒衣
江漢風流地遊人何處歸

李頎送王昌齡一首

漕水東去遠送君多暮情
淹留野寺出向背孤山明
前望數十里中無蒲稗生
夕陽滿舟楫但愛微波清
舉酒林月上解衣沙鳥鳴
夜來蓮花界夢裡金陵城
嘆息此難別悠七江海行

李廌送裴騰一首

養德爲衆許森然此丈夫
放情白雲外爽氣連虬鬚
衡鏡合知子公心誰謂無
還令不得意單馬遂長驅
桑野蠶忙時憐君久蜘蛛
新情荷卷葉孟夏雉將雛
令弟爲縣尹高城汾水隅
相將簿領閑倚望相峯孤
香露團百草紫梨分萬株
歸來授衣假莫使故園蕪
常建送陸擢一首

聖代多才俊陸生何考槃
南山高松樹不合空摧殘
九月湖上別北風秋雨寒
殷勤歎孤鳳早食金琅玕
李白送殷淑一首

海水不可解連江夜爲潮
俄然浦嶼濶岸去酒缸遙

惜別耐取醉鳴榔且長謔天明爾當去應有別風飄

劉脊虛送韓平兼寄郭微一首

上客夜相過小童能沽酒卽爲臨水處正值鴈歸後
前路望鄉山近家見門柳到時春未暮風景自應有
余憶東州人經年別來久殷勤爲傳語日夕念携手
兼問前寄書七中復達否

劉復送王倫一首

春江日未曛楚客酣送君翩七孤黃鶴萬里滄洲雲
四方各有志豈得常顧羣山連巴山遠水與荆吳分
清光日脩阻尺素安可論相思寄夢寐瑤草空氣氲

李頎送劉昱一首

八月寒葦花秋江浪頭白北風吹五兩誰是潯陽客
鷓鴣山頭微雨晴揚州郭裏暮潮生行人夜宿金陵
渚試聽沙邊有鴈聲

李頎送劉方平一首

綺紈遊上國多作少年行二十二詞賦惟君著美名
童顏且白髻佩德如瑤瓊荀氏風流盛胡家公子清
有才不偶誰之過肯卽臧鋒事高卧洛陽草色猶自
春遊子東歸喜拜親漳水橋頭值鳴鴈朝歌縣北少
行人別離斗酒心相許落日青郊半微雨請君騎馬

唐詩卷之五 三人部
望西陵爲我殷勤吊魏武

李廌送陳章甫一首

四月南風大麥黃
棗花未落桐陰長
青山朝別暮還見
嘶馬出門思舊鄉
陳侯立身何坦蕩
虬鬚虎眉仍大顙
腸中貯書一萬卷
不肯低頭在草莽
東門沽酒飲我曹
心輕萬事如鴻毛
醉卧不知白日暮
有時空望孤雲高
長河浪頭連天黑
津吏停舟渡不得
鄭國遊人未及家
洛陽行子空嘆息
聞道故人相識多
罷官昨日今如何

揚炯夜送趙縱一首

趙氏連城壁由來天下傳
送君還舊府明月蒲前川
李白送殷淑一首

王昌齡送朱越一首

痛飲龍筇下燈青
月復寒醉歌驚白鷺
半夜起沙灘
遠別舟中蔣山暮
君行舉首燕城路
蘇門秋月隱黃雲
期向金陵醉江樹

王昌齡送裴圖南一首

黃河渡頭歸問津
離家幾日茱萸新
漫道閨中飛破鏡
猶看陌上別行人

王昌齡送狄宗亨一首

唐詩類苑 卷之九 宋之問送杜審言一首
秋在水清山暮蟬洛陽樹色鳴臯烟送君歸去愁不
盡又惜空度涼風天

宋之問送杜審言一首

卧病人事絕聞君萬里行河橋不相送江樹遠含情
別路追孫楚維舟吊屈平可惜龍泉劍流落在豐城

李嶠送李邕二首

落日荒郊外風景正淒淒離人席上起征馬路傍嘶
別酒傾壺贈行書眼淚題殷勤御溝水從此各東西

又

岐路方爲客芳樽暫解顏人隨轉蓬去春伴落梅還

白雲渡汾水黃河繞晉閩離心不可問宿昔髮成班

張說送王光庭一首

同居洛陽陌經日嬾相求及尔江湖去言別悵悠悠
楚雲眇霸冀海月僊行舟愛而不可見徒嗟方歲流

岑參送顏韶一首

遷客猶未老聖朝今復歸一從襄陽住幾度梨花飛
世事了可見怜君人亦稀相逢貪醉卧未得作春衣

王維送崔興宗一首

已恨親皆遠誰憐友復稀君王未西顧遊宦盡東歸
寒迴山河淨天長雲樹微方同菊花節相待洛陽扉

孟浩然送崔邊一首

片玉未誇楚治中作主人江山增潤色詞賦動陽春
別館當虛敞離情任吐伸因聲兩京舊誰念卧漳濱

李白送殷淑一首

白鷺洲前月天明送客回青龍山後日早出海雲來
流水無情去征帆逐吹開相看不忍別更進手中杯
杜甫送崔暎因寄薛據孟雲卿一首

志士惜妄動知深難固辭如何久磨礪但取不磷緝
夙夜聽憂主飛騰急濟時荊州遇薛孟爲報欲論詩

李頎送喬琳一首

草綠小平津花開伊水濱令今不得意孤負帝鄉春
口不言金帛心常任屈伸阮公能隱酒陶令肯羞貧
陽羨風流地滄江遊寓人菱歌五湖遠桂樹八公隣
青鳥迴孤棹白雲隨一身朝從秣陵上月映石頭新
未可逃名利應須在縉紳汀洲芳杜色勸尔暫垂綸

盧象送綦毋潛一首

夫君不得意本自滄海耒高足未云騁虛舟空復回
淮南楓葉落灞岸桃花開出處暫爲耳浮沉安在哉
如何天覆物還追世遺才欲識秦中士嘗聞王與裴
離筵對寒食引雨乘春雷會有辟書至荷衣莫漫裁

顏真卿重送橫飛聯句一首

春田草未齊春水滿長溪粵出餞風初暖攀光日漸
西嶼歸期江上遠別思月中迷畫

李白五松山送殷淑一首

秀色發江左風流柰若何仲文了不還獨立揚清波
載酒五松山頽然白雲歌中天度落月萬里遙相過
撫酒借此月流光畏蹉跎明日別離去連峯鬱嵯峨

沈佺期李舍人山園送龐邵一首

符傳有光輝誼七出帝畿東隣借山水南陌駐驂駢
握手涼風至當歌秋日微高蟾去勿緩人吏待霜威

岑參南樓送衛憑一首

近縣多過客似君誠亦稀南樓取涼好便送故人歸
鳥向望中滅雨侵晴處飛應浪乘月去且為解征衣

王昌齡同府縣諸公送綦毋潛李頎至白馬寺一首

鞍馬上東門徘徊入孤舟賢豪相追送即棹千里流
赤岸落日在空波微烟收薄官忘機恬醉來復淹留
月明見古寺林外登高樓南風開長郭夏夜如涼秋
江水照吳縣西歸夢中遊

王昌齡送李擢遊江東一首

清洛日夜漲微風引孤舟離腸別千里遠夢生江樓
楚國橙橘暗吳門烟雨愁東南具今古歸望山雲收
王維送丘爲往唐州一首

宛洛有風塵君行多苦辛四愁連漢水百口寄隨人
槐色青陰書楊花惹暮春朝端肯相送天子布衣臣
孟浩然送吳悅遊韶陽一首

五色憐鳳雛南飛適鷓鴣楚人不相識何處求椅梧
去七日千里落七天一隅安能與斥鷃決起但槍榆
孟浩然送張祥之房陵一首

我家南渡頭慣習野人舟日夕弄清淺林湍逆上流

鄢陵擬形勝天地生豪酋君意在利涉知音期暝投
李季蘭送韓揆之西江一首

相看指揚柳別恨轉依七萬里西江水孤舟何處歸
湓城潮不到夏口信應稀唯有衡陽鴈年七來去飛
岑參送李翥遊江外一首

相識應十載見君只一官家貧祿尚薄霜降衣仍單
惆悵秋草死蕭條芳歲闌且尋滄州路遙指吳雲端
匹馬閑塞遠孤舟江海寬夜眠楚烟濕曉飯湖山寒
砧淨紅繭落袖香朱橘團帆前見禹廟枕底聞巖灘
便獲賞心處豈歌行路難青門須醉別少爲解征鞍

孟浩然送朱去非遊巴東一首

峴山南郭外送別每登臨沙岸江村近松門山寺深
一言予有贈三峽爾相尋祖席宜城酒征途雲夢林
蹉跎遊子意眷戀故人心去矣勿淹滯巴東須夜吟

崔曙送薛據之宋州一首

無媒嗟失落有道亦乘流客處不堪別異鄉應共愁
我生早孤賤淪洛居此州風土至今憶山河皆昔遊
一從文章士兩京春復秋君去問相識幾人今白頭

唐詩類苑第五十三卷終

唐詩類苑第五十四卷

仁和卓明卿澂父編輯

華亭張之象玄超

長洲毛文蔚豹孫同校

人部

送

王維送從弟蕃遊淮南一首

讀書復騎射帶劍遊淮陰淮陰少年輩千里遠相尋
高義難自隱明時寧陸沉島夷九州外泉館三山深
席帆聊問罪卉服盡成擒歸來見天子拜爵賜黃金

忽思鱸魚膾復有滄洲心天寒兼葭渚日落雲夢林
江城下楓葉淮上聞秋砧送歸青門外車馬去駿
惆悵新豐樹空餘天際禽

李白送崔氏昆季之金陵一首

放歌倚東樓行子期曉發秋風度江米吹落山上月
主人出美酒滅燭延清光二崔向金陵安得不盡觴
水客弄歸棹雲帆捲輕霜扁舟敬亭下五兩先飄揚
峽石入水苑碧流日更長思君無歲月西笑阻河梁

李頎奉送五叔入京兼寄綦母三一首

陰雲帶殘日悵別此何時欲望黃山道無由見所思

王昌齡送十五舅一首

深林秋水近日空歸棹演漾清陰中夕浦離觴意何
已草根寒露悲鳴蟲

王維送賀遂員外外甥一首

南國有歸舟荆門泝上流蒼茫葭菼外雲水與昭丘
檣帶城烏去江連暮雨愁猿聲不可聽莫待楚山秋

王維送宇文太守赴宣城一首

遼落雲外山迢迢舟中賞鏡吹發西江秋空多清響
地迴古城蕪月明寒潮廣時賽敬亭神復解罟師網
何處寄相思南風搖五兩

王昌齡武陵田太守席送司馬盧溪一首

諸侯分楚郡飲餞五溪春山水清暉遠俱憐一逐臣

宋之問餞湖州薛司馬一首

別駕促嚴程離筵多故情交深季作友義重伯爲兄
鎮靜移吳俗風流在漢京會看陳仲舉從此拜公卿

岑參送楊州王司馬一首

君家舊淮水水上到揚州海樹青官舍江雲黑卻樓
東南隨去鳥人吏待行舟爲報五兄道如今已白頭

楊炯送梓州周司功一首

御溝一相送征馬屢盤桓言咲方無日離憂獨未寬

舉杯聊勸酒破涕暫爲歡別後風清夜思君蜀道難

高適淇上送常司倉往滑臺一首

飲酒莫辭醉醉多適不愁孰知非遠別終念對窮秋
滑臺門外見淇水眼前流君去應回首風波滿渡頭

李白送當塗趙少府赴長蘆一首

我來揚都市送客回輕舸因誇吳太子便覩廣陵壽
僊尉趙家王英風凌四豪維舟至長蘆目送煙雲高
搥扇對酒樓持袂把鱗螯前途儻相思歛嶽一長謠

高適送李少府一首

相逢旅館意多違暮雪初晴候鴈飛主人酒盡君未

唐詩類苑 卷之五十四 八部 三
醉日暮途遙歸不歸

楊炯送臨津房少府一首

岐路三秋別江津萬里長
烟霞駐征蓋絃奏促飛觴
階樹含斜日池風泛早涼
贈言未終竟流涕忽沾裳
駱賓王送劉少府遊越州一首

一丘余枕石三越尔懷鉛
離亭分鶴蓋別岸指龍川
露下蟬聲斷寒來鴈影連
如何溝水上悽悽聽繁絃
駱賓王送郭少府探得憂字一首

開筵抗德水輟棹艤僊舟
貝闕桃花浪龍門竹箭流
當歌悽別曲對酒泣離憂
還望青門外空見白雲浮

蘇頌春晚送瑕丘田少府還任因寄洛京鏡上人一首

聞道還沂上因聲寄洛濱
別時花欲盡歸處酒應春
聚散同行客悲歡屬故人
少年歸樂地遙贈欲沾巾
張九齡送宛句趙少府一首

解巾行作吏樽酒謝離居
修竹含清景華池澹碧虛
地將幽興愜人與舊遊踈
林下紛相送多逢長者車
李白送麴十少府一首

試發清秋興因為吳會吟
碧雲欽海色流水折江心
我有延陵劍君無陸賈金
艱難此為別惆悵一何深

高適送前衛縣李宋少府一首

黃鳥翩翩楊柳垂，春風送客使人悲。
怨別自驚千里外，論交却憶十年時。
雲開汶水孤帆遠，路繞梁山匹馬遲。
此地從來可乘興，留君不住益悵其。

杜甫公安送韋二少尹匡贊一首

逍遙公後世多賢，送尔維舟惜別筵。
念我能書數字至，將詩不必萬人傳。
時危兵甲黃塵裡，日短江湖白髮前。
古往今來皆涕淚，斷腸分手各風煙。

杜甫惠義寺送王少尹赴成都一首

葦蕀谷中寺，娟娟林表峰。
闌杆上處遠，結構坐來重。

騎馬行春徑，衣冠起暮鍾。
雲門青寂寂，此別惜相從。

宋之問送永昌蕭府一首

柳變曲江頭，送君函谷遊。
弄琴寬別意，酌酒醉春愁。
戀本亦何極，贈言微所求。
莫令金谷水，不入故園流。

岑參送永壽王贊府還歸縣一首

當官接閑暇，暫得歸林泉。
百里路不宿，兩鄉山復連。
夜深露濕簟，月出風驚蟬。
且盡主人酒，爲君從醉眠。

王維送韋大夫東京晉守一首

人外遺世慮，空端結遐心。
曾是巢許淺，始知堯舜深。
蒼生詎有物，黃屋如喬林。
上德撫神運，冲和穆宸襟。

唐詩卷之十四 八部
雲雷康屯難江海遂飛沉天工寄人英龍衮瞻君臨
名器苟不假保釐固其任素質貫方領清景照華簪
慷慨念王室從容獻官箴雲旗蔽三川畫角發龍吟
晨揚天漢聲夕卷大河陰窮久業已寧逆虜遺之擒
然後解金組拂衣東山岑給事黃門省秋光正沉
功名與身退老病隨年侵君子從相訪重玄其可尋

李頎送郝判官一首

楚城木葉落夏口青山轉鴻雁向南時君行使者傳
楓林帶水驛夜火明山縣千里送行人蔡州如眼見
江連清漢東逶迤遙望荆雲相蔽虧應問襄陽舊風

俗爲予騎馬習家池

岑參崔倉曹席上送殷寅充石相判官赴淮

南一首

清淮無底綠江深宿處津亭楓樹林駟馬欲辭丞相
府一尊須盡故人心

杜甫鄆城西原送李判官兄武判官弟赴成

都府一首

憑高送所親久坐惜芳辰遠水非無浪他山自有春
野花隨處發官柳著行新天際傷愁別離筵何太頻
杜甫送王十六判官一首

唐詩卷之五
客下荆南盡君今復入舟買薪猶白帝鳴櫓少沙頭
衡霍生春早瀟湘共海浮荒林庾信宅爲仗主人留

杜甫重送劉十弟判官一首

分源豈常派別浦鴈賓秋年事推兄忝人才覺弟優
經過辨艷劍意氣逐吳鉤垂翅徒衰老先鞭不滯留
本枝凌歲晚高义豁窮愁他日臨江待長沙舊驛

杜甫送覃二判官一首

先皇弓劍遠小臣餘此生蹉跎病江漢不復謁承明
餞尔白頭日永懷丹鳳城遲遲戀留宋渺渺卧荆衡
魂斷航舸失天寒沙水清肺肝若稍愈亦上赤霄行

包融送國子張主簿一首

湖岸解纜初鶯啼別離處遙見中舟人時七一回顧
坐悲芳歲晚花落清軒樹春夢隨我心搖揚逐君去

王勃送盧主簿一首

窮途非所恨虛室自相依城闕居年滿琴尊俗事稀
開襟方未已分袂忽多違東岩富松竹歲暮幸同歸

李嶠送光祿劉主簿之洛一首

函谷雙嶠右伊川二陝東僊舟宵將隔方竿斃云同
朋席餘歡盡文房舊侶空他鄉千里月岐路九秋風
背櫪嘶班馬分洲叫斷鴻別後青山外相望白雲中

李白送魯鄒劉長史遷弘農長史一首

魯國一杯水難容橫海鱗仲尼且不敬况乃尋常人
白玉換斗粟黃金買尺薪閒門木葉下始覺秋非春
聞君向西遷地即鼎湖隣寶鏡匣蒼蘚丹經理素塵
軒后上天時焚龍遺小臣及此留惠愛庶幾風化淳
曾縞如白烟五纁不成束臨行贈貧交一尺重山嶽
相國齊晏子贈行不及言託陰當桃李忘憂當樹萱
他日見張祿綈袍懷舊恩

李白杭州送裴大澤赴廬州長史一首

西江天柱遠東越海門深去割辭親戀行憂報國心

好風吹落日流水引長吟五月披裘者應知不取金

杜甫湘江宴餞裴二端公赴道州一首

白日昭舟師朱旗散廣川群公餞南伯肅肅秩初筵
鄙人奉末眷佩服自早年義均骨肉地懷抱罄所宣
盛名富事業無取愧高賢不以喪亂嬰保愛金石堅
計拙百寮下氣蘇君子前會合若不义哀樂本相纏
交游颯向盡宿昔浩茫然促觴激百慮掩抑淚潸潸
熱雲集曛黑闕月未生天白團為我破華燭蟠長煙
鵠鶻催明星解袂從此旋上請解兵甲下講安井田
永念病渴老附書遠山巔

岑參號州西山亭子送范端公一首

百尺紅亭對萬峰平明相送到齋鐘
驄馬勸君皆卸却使君家醞舊來濃

杜甫湖中送敬十使君適廣陵一首

相見各白頭其如離別何幾年一會面
今日復悲歌少壯樂難得歲寒心匪他
氣纏霜匣浦水置玉壺多遭亂實漂泊
濟時曾琢磨形容吾較老膽力爾誰過
秋晚岳增翠風高湖湧波騫騰訪知己
淮海莫蹉跎

張九齡送使廣州一首

家在湘源住君今海嶠行經過中正道
相送倍爲情

心逐書郵去形隨世網嬰因聲謝遠別
緣義不緣名

岑參水亭送劉顥使還歸節度一首

無計留君住應須絆馬蹄紅亭莫惜醉
白日眼看低解帶憐高柳移床愛小溪
此來相見少政事各西東

元結送孟校書往南海一首

吾聞近南海乃是魑魅鄉忽見孟夫子
歡然遊此方忽喜海風來海帆又欲張
漂七隨所去不念歸路長君有失母兒
愛之似阿陽始解隨人行不欲離君傍
相勸早旋歸此言慎勿忘

宋璟送蘇尚書赴益州一首

唐詩卷之五十四
我望風煙接君行霰雪飛園亭若有送揚柳最依依
鄭惟忠送薊尚書赴益州一首

離憂將歲盡歸望逐春來庭花如有意留艷待人開
張九齡奉和聖製送李尚書入蜀一首

眷言感忠義何有問山川狗節今如此離情空復然
皇心在勤恤德澤委昭宣周月成功已明年或勞旋
王昌齡送柴侍御一首

沅水通波接武岡送君不覺有離傷青山一道同雲
雨明月何曾是兩鄉

岑參源頭送范侍御一首

百尺原頭酒色殷路傍驄馬汗班班別君祇有相思
夢遶莫千山與萬山

李白送韓侍御之廣德一首

昔日繡衣何足榮今宵貰酒與君傾暫就東山賒月
色酣歌一夜送泉明

顏真卿送李侍御聯句一首

吾友駐行輪遲遲惜上春真卿東西出錢路惆悵獨
歸人畫歡會期它日驅馳恨此身薦須知貢公望從
此願相因

杜甫送路六侍御入朝一首

唐詩卷之五十四
杜甫送路六侍御入朝一首

唐詩類苑 卷之五十四 人部 十一
童稚情親四十年中間消息兩茫然更爲後會知何
地忽漫相逢是別筵不分桃花紅勝錦生憎柳絮白
於綿劍南春色還無賴觸忤愁人到酒邊

賈至送李侍郎赴常州一首

雪晴雲散北風寒楚水吳山道路難今日送君須盡
醉明朝相憶路漫漫

太宗餞中書侍郎來濟一首

暖七夫塵昏灞岸飛上傾蓋指河梁雲峯衣結千重
葉雪岫花開幾樹粧深悲黃鶴孤舟遠獨嘆青山別
路長聊將分袂沾巾淚還用持添離席觴

許敬宗奉和聖製餞中書侍郎來濟應詔一首

萬乘騰鑣警岐路百壺供帳餞離宮御溝分水聲難
絕廣宴當歌曲易終興言共傷千里道俯迹聊示五
情同良哉旣深留帝念沃化方有贊天聰

王維送禰郎中一首

東郊春草色驅馬去悠悠况復鄉山外猿啼湘水流
島夷傳露坂江館候鳴騶卉服爲諸吏珠冠拜本州
孤鶯吟遠墅野杏發山郵早晚方歸奏南中纔忌秋

杜甫惠義寺送辛員外一首

唐詩卷之五
朱櫻此日垂朱實郭外誰家負郭田萬里相逢貪握手高才仰望足離筵

賈至送王員外赴長沙一首

攜手登臨處巴陵天一隅春生雲夢澤水溢洞庭湖共嘆虞翻枉同悲阮藉途長沙舊卑濕今古不應殊

杜甫又送辛員外一首

雙峯寂寂對春臺萬竹青青照客盃細草留連侵坐軟殘花悵望近人開同舟昨日何由得並馬今朝未撥回直到錦州始分手江頭樹裏共誰來

賈至江南送李卿一首

雙鶴南飛度楚山楚南相見憶秦關願值回風吹羽翼早隨陽鴈及春還

王維送韋評事一首

欲逐將軍取右賢沙場匹馬向居延遙知漢使蕭關外愁見孤城落日邊

王勃餞韋兵曹一首

征驂臨野吹別袂慄江垂川濟浮烟欽山明落照移鷹風凋晚葉蟬露泣秋枝亭臯分遠望延想間雲涯

杜甫泛江送魏十八倉曹還京因寄岑中允

參范郎中季明一首

遲日深春水輕舟送別筵帝鄉愁緒外春色泪痕邊
見酒須相憶將詩莫浪傳若逢岑與范爲報各衰年
蘇頲景龍觀送裴士曹一首

昔日常聞公相地今時變作列仙家池傍坐客穿叢
篠樹下遊人掃落花雨雪長疑向函谷山泉直似到
瀉沙君還洛邑分明記此處同來閱歲華

盧昭鄰送梓州高參軍還京一首

京洛風塵遠褒斜煙霧深北遊君似智南飛我異禽
別路琴聲斷秋山猿鳥吟一乖青岩酌空佇白雲心

李頎送竇參軍一首

城南送歸客舉酒對林巒暄鳥迎風轉春衣度雨寒
桃花開翠幕柳色拂金鞍公子何時至無令芳草闌

賈至送夏侯參軍赴廣州一首

聞道衡陽外由來鴈北飛送君從此去書信定應稀
雲海南溟遠煙波北渚微勉哉孫楚吏綵服正光輝

杜甫送張二十參軍赴蜀州因呈揚五侍御

一首

好去張公子通家別恨添兩行秦樹直萬點蜀山尖
御中新驄馬參軍舊紫髯皇華吾善處於汝定無嫌

陳子昂送東萊王學士無競一首

唐詩卷之五十四 八部 十三
寶劍千金買平生未許人懷若萬里別持贈結交親
孤松宜晚歲衆木愛芳春已矣將何道無令白髮新

陳子昂登蘇城西北樓送崔著作入都一首

薊樓望燕國負劍喜茲登清規子方奏單戟我無能
仲冬邊風急雲漢復霜稜慷慨意何道西南恨失朋

岑參灋頭送蔣侯一首

君住灋水北我家灋水西兩村辨喬木五里聞鳴鷄
飲酒溪雨過彈棊山月低徒聞蔣生徑爾去誰相携

杜甫奉濟驛重送嚴公一首

遠送從此別青山空復情幾時杯重把昨夜月同行

列郡謳歌惜三朝出入榮江村獨歸處寂寞養殘生

李白暮春江夏送張祖監丞之東都一首

欲別心不忍臨行情更親酒傾無限月客醉幾重春
藉草依流水攀花贈遠人走君從此去迴首泣迷津

杜甫奉送高常侍中丞之晉赴湖南一首

寵渥徵黃漸權宜借寇類湖南安背水峽內憶行春
王室仍多故蒼生倚大臣還將徐孺榻處處待高人

李白送張舍人之江東一首

張翰江東去正值秋風時天清一鴈遠海闊孤帆遲
白日行欲暮滄波杳難期吳洲如見月千里幸相思

杜甫冬晚送長卿漸舍人歸州一首

參卿休坐幄蕩子不歸鄉南客瀟湘外西戎鄠杜傍
衰年傾蓋晚費日繫舟長會而思來札銷覓逐去檣
雲晴鷗更舞風急鴈無行匣裡雌雄劍吹毛任選將

杜甫東津送常諷攝閬州錄事一首

聞說江山好憐君吏隱兼寵行舟遠汎惜別酒頻添
推薦非承乏操持必去嫌他時如按縣不得慢陶潛

杜甫江亭王閬州筵餞蕭遂州一首

離亭非舊國春色是他鄉老畏歌聲短愁隨舞袖長
二天開寵餞五馬爛生光川路風煙接俱宜下鳳凰

沈佺期送常商州弼一首

會府應文昌商山鎮國陽聞君監郡史暫罷尚書郎
王事嗟相失人情豈不忘累年同畫省四海接文場
點翰芳春色傳杯明月光故交從此去遙憶紫芝香

岑參使君席夜送嚴河南赴長水一首

嬌歌急管雜青絲銀燭金盃映翠眉使君地主能相
送河尹天明坐草辭春城月出人皆醉野戍花深馬
去遲寄聲報尔山翁道今日河南勝昔時

駱賓王送鄭安陽入蜀一首

彭山折坂外井絡少城隈地是三巴俗人非百里才

長途君悵望別路我徘徊心賞風烟隔容華歲月催
遙七分鳳野去七轉龍媒遺錦非前邑鳴琴即舊臺
劍門千仞起石路五丁開海客乘查渡仙童馭竹迴
魂將離鶴遠思逐斷猿哀唯有隻鳧鳥飛去復飛來

顏真卿水堂送諸文士戲贈潘丞聯句一首

居人未可散上客須留著莫唱阿鞞迴應云夜半樂

潘卿奉詩教刻燭賦酒任連盤酌從他白眼看終念

青山郭陸三奉外栖非姓許寺住郝名約會異永和年

才同建安作羽四權何煩問更漏但遣催絃索共說

長句能皆言早歸惡齋然那知殊出處還得同咲謔

雅韻雖暫歡禪心肯拋却皎然上一宿同高會幾人

歸下若簾開北陸風燭焯南枝鵲崇奉潘文場苦叨

竊釣渚其漂泊弱質幸見容菲才誠重諾

杜甫章留後新亭會送諸君一首

新亭有高會行子得良時日動映江暮風鳴排檻旗
絕葷終不改勸酒款無詞已望峴山泪因題零雨詩

唐詩類苑第五十四卷終

祿亭自高會百千特良却日博烟下慕風即非謝

蘇陰欲其票休碎贊于長容菲木結重端與永和年

不苦簾開壯到風學軟南外歸對紅文揚苦四

探贈垂響赫靴以官賦法謝然上一定同高會幾人



